

Die restorasie proses **HEILIGMAKING**

Die pad van die Geestelike groei proses

Heilig → Heiligmaking → Volwasse

Wedergeborenes kan nie word wat hulle alreeds is nie – Heilig

Wedergeborenes kan word wat hulle nog nie is nie – Volwasse

Die ervaring van wedergeboorte is 'n vernuwing wat in my gees plaasvind deurdat die Heilige Gees my gees kom bewoon. Hierdie vernuwing vind nie in dieselfde mate in een moment plaas in my siels dimensie nie. Die restorasie van my siel is 'n proses van vernuwing soos ek geestelik groei na die volwasse beeld van Christus in my lewe.

My siel bestaan uit:

- Wil
- Emosies
- Denke

Die betekenis van:

A. Heilig is

- a) Afgesonder vir God vir Sy spesifieke doel met my.
- b) Onbesmet van die onreinheid van die sondige wêreld.

B. Heiligmaking is

Die Goddelike werk wat die **Heilige Gees** in my **gees** met wedergeboorte gedoen het en wat moet realiseer in my **siel** en **liggaam**.

1Th 5:23-24 “ En mag Hy, die God van die vrede, julle volkome heilig maak, en mag julle gees en siel en liggaam geheel en al onberispelik bewaar word by die wederkoms van onse Here Jesus Christus ⁽²⁴⁾ Hy wat julle roep, is getrou; Hy sal dit ook doen.”

“Heiligmaking is 'n geestelike groei proses wat my lewe lank duur waardeur ek al meer verander word na die beeld van Jesus”

- **Heiligmaking - God se wil.**

1Th 4:7-8 “Want God het ons nie tot onreinheid geroep nie, maar tot heiligmaking. ⁽⁸⁾ Daarom, hy wat dit verwerp, verwerp nie 'n mens nie, maar God wat ook sy Heilige Gees aan ons gegee het.”

2Th 2:13-14 “ Maar ons moet God altyd oor julle dank, broeders wat deur die Here bemin word, dat God julle van die begin af verkies het tot saligheid in heiligmaking van die Gees en geloof in die waarheid, ⁽¹⁴⁾ waartoe Hy julle geroep het deur ons evangelie om die heerlijkheid van onse Here Jesus Christus te verkry.”

- **Sonder heiligmaking sal ek God nie sien nie.**

Heb 12:14 “ Jaag die vrede na met almal, en die heiligmaking waarsonder niemand die Here sal sien nie;”

Efe 1:3-4 “Geseënd is die God en Vader van onse Here Jesus Christus wat ons geseën het met alle geestelike seëninge in die hemele in Christus, ⁽⁴⁾ soos Hy ons in Hom uitverkies het voor die grondlegging van die wêreld om heilig en sonder gebrek voor Hom in liefde te wees,”

Ps 24:3 “Wie mag klim op die berg van die Here? En wie mag staan in Sy Heilige plek? Hy wat rein van Hande en suiwer van hart is, wat nie sy siel ophef tot nietigheid en nie vals sweer nie.”

Mat 5:8 “Salig is die wat rein van hart is, want hulle sal God sien.”

Wedergeboorte “bewerk” my **kindskap** in **Vader**.

Heiligmaking “bewerk” my **bruidskap** vir **Christus**.

A. Heiligmaking is ‘n proses van:

- **Aflê** van alles wat by die **Adam (ou) mens** en sy natuur pas.
- **Opneem** van alles wat hoort by die **Jesus (nuwe) mens** wat geskape is na die beeld van God.

Efe 4:22-24 “dat julle, wat die vorige lewenswandel betref die oue mens moet aflê wat deur die begeerlikhede van die verleiding te gronde gaan, ⁽²³⁾ en dat julle vernuwe moet word in die gees van julle gemoed ⁽²⁴⁾ en julle met die nuwe mens moet beklee wat na God geskape is in ware geregtigheid en heiligheid.”

B. Heiligmaking is groei in:

- Die siels area (Denke)



Jak 1:21 “Daarom, doen afstand van alle vuiligheid en oorvloed van boosheid, en ontvang met sagmoedigheid die ingeplante woord, wat in staat is om julle siele te red.”

Rom 12:1-2 “Ek vermaan julle dan, broeders, by die ontferminge van God, dat julle jul liggame stel as 'n lewende, heilige en aan God welgevallige offer dit is julle redelike godsdiens. (2) En word nie aan hierdie wêreld gelykvormig nie, maar word verander deur die vernuwing van julle gemoed, sodat julle kan beproef wat die goeie en welgevallige en volmaakte wil van God is.”

Efe 4:24 “en julle met die nuwe mens moet beklee wat na God geskape is in ware geregtigheid en heiligheid.”

- Die gedragpatrone
 - Woorde



Efe 4:25 “Daarom, lê die leuen af en spreek die waarheid, elkeen met sy naaste, want ons is mekaar se lede.”

Kol 4:6 “ Laat julle woord altyd aangenaam wees, met sout besprinkel, sodat julle kan weet hoe julle iedereen moet antwoord.”

- Dade

1Jo 3:18 “ My kinders, laat ons nie liefhê met woorde of met die tong nie, maar met die daad en in waarheid. “

Jak 1:22 “En word daders van die woord en nie net hoorders wat julleself bedrieg nie.”

Rom 6:13 “En moenie julle lede stel tot beskikking van die sonde as werktuie van ongeregtigheid nie, maar stel julleself tot beskikking van God as mense wat uit die dode lewend geword het, en julle lede as werktuie van geregtigheid in die diens van God.”

C. Struikelblokke in die pad van Heiligmaking:

Spr 23:7 “Want soos hy in sy siel bereken, so is hy; “

- Verkeerde **denkpatrone** – vestings.
- **Wonde** en letsels uit die verlede.
- Gewoontes van **slawerny**.
- Gebrek aan **toewyding** teenoor God, Woord, Gebed, Gemeenskap met heiliges.
- Die “regte” van die vlees.

D. Agente in die proses van Heiligmaking.

- Die Woord van God

Joh 15:7 “As julle in My bly en my woorde in julle, sal julle vra net wat julle wil hê, en julle sal dit verkry.”

Efe 5:26 “om dit te heilig, nadat Hy dit gereinig het met die waterbad deur die woord,”

- Die Heilige Gees

Mat 3:11-12 “Ek doop julle wel met water tot bekering; maar Hy wat ná my kom, is sterker as ek, wie se skoene ek nie waardig is om aan te dra nie. Hy sal julle doop met die Heilige Gees en met vuur. ⁽¹²⁾ Sy skop is in sy hand, en Hy sal sy dorsvloer deur en deur skoonmaak en sy koring in die skuur saambring, maar die kaf sal Hy met onuitbluslike vuur verbrand.”

Joh 14:26 “maar die Trooster, die Heilige Gees, wat die Vader in my Naam sal stuur, Hy sal julle alles leer en sal julle herinner aan alles wat Ek vir julle gesê het.”

- Menslike verhoudinge

Spr 27:17 “Yster slyp yster, so slyp die een mens die persoon van die ander.”

Heb 12:14-15 “Jaag die vrede na met almal, en die heiligmaking waarsonder niemand die Here sal sien nie; ⁽¹⁵⁾ en pas op dat niemand in die genade van God veragter nie; dat geen wortel van bitterheid opskiet en onrus verwek en baie hierdeur besoedel word nie.”

- Allerhande beprowinge



Heb 12:9-11 “Verder, ons het ons vaders na die vlees as kastyders gehad, en ons het vir hulle ontsag gehad; moet ons nie veel meer aan die Vader van die geeste onderworpe wees en lewe nie? ⁽¹⁰⁾ Want hulle het ons wel 'n kort tydjie na hulle beste wete getugtig; maar Hy tot ons beswil, sodat ons sy heiligheid kan deelagtig word. ⁽¹¹⁾ Nou lyk elke tugging of dit op die oomblik nie 'n saak van blydschap is nie, maar van droefheid; later lewer dit egter 'n vredevolle vrug van geregtigheid vir die wat daardeur geoefen is.”

Jak 1:3-4 “omdat julle weet dat die beproewing van julle geloof lydsaamheid bewerk. ⁽⁴⁾ Maar die lydsaamheid moet tot volle verwerkliking kom, sodat julle volmaak en sonder gebrek kan wees en in niks kortkom nie.”

- Korrekte en suiwer lering

1Tim 4:16 “Let op jouself en op die leer; volhard daarin; want deur dit te doen, sal jy jouself red sowel as die wat jou hoor.”

2Joh 1:9 “Elkeen wat 'n oortreder is en nie bly in die leer van Christus nie, hy het God nie. Wie in die leer van Christus bly, hy het die Vader sowel as die Seun.”



- Afsterwe van die vlees

Rom 8:8-13 “En die wat in die vlees is, kan God nie behaag nie; ⁽⁹⁾ julle is egter nie in die vlees nie, maar in die Gees, as naamlik die Gees van God in julle woon. Maar as iemand die Gees van Christus nie het nie, dié behoort nie aan Hom nie. ⁽¹⁰⁾ Maar as Christus in julle is, dan is die liggaam dood vanweë die sonde, maar die gees is lewe vanweë die geregtigheid. ⁽¹¹⁾ En as die Gees van Hom wat Jesus uit die dode opgewek het, in julle woon, dan sal Hy wat Christus uit die dode opgewek het, ook julle sterflike liggame lewend maak deur sy Gees wat in julle woon. ⁽¹²⁾ Daarom dan, broeders, is ons skuldenaars, nie aan die vlees om na die

vlees te lewe nie; ⁽¹³⁾ want as julle na die vlees lewe, sal julle sterwe, maar as julle deur die Gees die werke van die liggaam doodmaak, sal julle lewe.”

- Genoeg tyd in gebed



Ps 24:3-5 “Wie mag klim op die berg van die HERE? En wie mag staan in sy heilige plek? ⁽⁴⁾ Hy wat rein van hande en suiwer van hart is, wat sy siel nie ophef tot nietigheid en nie vals sweer nie. ⁽⁵⁾ Hy sal seën wegdra van die HERE en geregtigheid van die God van sy heil.”

2Kor 3:18 “En terwyl ons almal met onbedekte gesig soos in 'n spieël die heerlijkheid van die Here aanskou, word ons van gedaante verander na dieselfde beeld, van heerlijkheid tot heerlijkheid, as deur die Here wat die Gees is.”

DIE KRUIS VAN GOLGOTA IS VIR MY GEGEE OM MY VAN VERLOSSING TE VERSEKER

DIE GEES VAN PINKSTER IS VIR MY GEGEE OM DIE VERLOSSING IN MY TE VOLTOOI

